


Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL 1.6.516/a

THEOREMATA
PHILOSOPHICO-MEDICA.

D E

VITA ET MORTE:

QVORVM VERITATEM TVERI CONABITVR
FRANCISCVS CASPARVS SPRICKMAN,
OSNABRVGO-VVESTPHALVS.

IN AEDIBVS PATINIANIS,
MENSE IVNIO, DIE XIX. HORA XXI.



PATAVII, M. DC. LXXXV.

Typis Petri Antonii Brigoncii.

SVPERIORVM PERMISSV.

54

REVERENDISSIMO ET SERENISSIMO
P R I N C I P I,
ERNESTO AVGVSTO,
EPISCOPO OSNABRVGENSI,
DVCI BRVNZVICENSI ET LVNEBVRGENSI, &c.
DOMINO SVO CLEMENTISSIMO,
FRANCISCVS CASPARVS SPRICKMAN.



Vm primùm ad sacros Musarum colles
divertere cogitarem, in animum in-
duxi meum, si quos fructus decerpe-
rem, eos ut primitias Tibi offerre
sacrareque, S E R E N I S S I M E
P R I N C E P S. Vix iter ingres-
sum me Somnus tam altè occupavit, ut vivum esse
non

non ampliùs meminerim: Donec baculo nodoso exci-
tatus quem gerebat Senex promissà barbà , coronatus
palliatuſque , ab eodem confirmatus fui & admonitus
non quieti ſed laboribus in poſterum indulgendum .
Sequere , inquit , & licet ſalebrosæ deterrimæque tibi
videantur viæ , ſcias te Iovis nepoti & Apollinis filii
manu duci . Numen reveritus , loca ſilveſtribus ſæpibus
denſa non iniquiore pede ac animo ſuperare datum
eſt , donec ad ejus Ædes pervenerim tabellis innumeris
ornatas & SALVTI dedicatas . Has obſervantem
me diſtraxit egregia virgo , qualem formoſiorem nuſ-
quam videram , ab intimo templi aditu prodiens ,
pateram dextrà , anguem ſiniſtrà tenens . Maſte ani-
mo , inquit divinus ſenex , & Hygiæ agnoſce Æſ-
culapii filiam Tibi maximè faventem . In genua pro-
volutus benefica Numina adorare non deſiſtebam ,
cùm & ipſa ſe Patri obſequuturam , & mihi lubenter
præſto futuram aſſeruit , cujus teſtimonium ad Lares
meos portandum tradidit , unam ex appenſis tabellis ,
à tribus vetulis geſtatum , quas Parcas ex filo , colo
& forſice intellexi . Poſtquam ad ſacrum veſtibulum
ſeceſſiſſent , & ipſe deceſſi via multò pleniore ac ju-
cundiore , quæ mihi contigerant , perpendens & ad-
mirans . Quam primùm licuit ſigillatam tabellam
aperui , in qua vetuſtiſſimo more ſcripta erant hæc
THEOREMATA PHILOSOPHICO-
MEDICA DE VITA ET MORTE : Legi
& perlegi , divinum quid ſapere illa mihi viſa ſunt ,
humanarum rerum vices continentia , ſeu Fortunæ
ludibria ſpectemus , ſeu Naturæ principium & finem ,

A 2 uno

uno vocabulo Fatum , ordinem seriemque causarum
quam *εἰμαρμένη* Græci dicunt .

Eandem hanc tabellam pro destinatis fructibus
Tibi offerri ne graveris, S E R E N I S S I M E
P R I N C E P S , quam si benigno ut soles ani-
mo susceperis , me non minùs Tibi quàm propitiis
illis Numinibus Æsculapio & Hygiæ sacratum volo .

De nostris annis Tibi Iupiter augeat annos .



THEOREMATA PHILOSOPHICO-MEDICA

DE

VITA ET MORTE.

- I. **V**itam nullus acciperet si daretur scientibus. *Plinius*. Sed necessarium est Deorum depositum. *Cicero*.
- II. Homo à suppliciis vitam auspicatur, unam tantum ob culpam, quia natus est. *Plin. l. 7. in proam.* Sed & matrem multum fatigat: decimo enim à conceptu die, dolores capitis, oculorum vertigines tenebræque, fastidium in cibis, redundatio stomachi, indices sunt hominis inchoati. *Plin. l. 7. c. 6.*
- III. Vita nostra sit ævum quo alimenti interventu vegetatricis animæ opera subsistimus.
- IV. Fœtus in utero vivit vitam plantæ: quia ipse sibi non parat alimentum, quod animalium est perfectorum, sed parato alibi scilicet in corde & hepate materno *οὗτῳ βίον, δια τὸ προσπεφυκέναι*. Vivit vitam plantæ, quia adharendo matri vivit, non secus ac planta terræ. *Aristoteles, 3. de gen. 2.*
- V. Tribus rebus animantium vita tenetur, cibo, potione, spiritu. *Cicero in Tuscul.* quibus vel seorsim cessantibus, ipsa perit.
- VI. Cibi necessitatem manifestat fames, quæ oritur quando tunica interna nervea ventriculi & orificium ejus sinistrum, à particulis fermenti salinis, acrioribus, acidisque in se mutuo (ob defectum alimenti exsolvendi) agentibus, planè roditur ac vellicatur.
- VII. Potionis verò desiderium quod sitis appellatur, fit cum fibræ nerveæ ventriculi, & orificium ejus sinistrum à particulis fermenti salinis, lixiviosis, acrioribus & siccioribus propter caloris excessum corrugantur & contrahuntur.
- VIII. Cibus & potus antequam substantiæ nostræ assimilentur, variâ alteratione, depuratione, motu tam locali quàm fermentativo, aliisque opus habent.
- IX. Primò namque cibus ore assumptus masticatione cum saliva alteratus, per œsophagum ad ventriculum delabitur, inibi à fermento & calore proprio ventriculi in chymosam substantiam transmutatur; hæc per pylorum ad tenuia intestina delata & ab alvinis fœcibus secreta; mox per vasa lactea & ductum chyloferum sanguini confusa, in corde demum perfectionem accipit. Et hæc est sanguinis generatio.
- X. Materia hæc quam sanguinem nuncupo, prævia diligenti ac variâ defecatione in nutriendas omnes corporis partes per arterias devchitur, quæ verò minus elaborata ac superflua est, à venis exfugitur & pro ulteriori perfectione ad cor revehitur. Sic fit continua sanguinis circulatio.
- XI. Sine spiritu seu aëre nemo vivit: Respiratione enim æstus sanguinis refrigerari oportebat, quæ alternata thoracis dilatatione & constrictione,

A

pul-

2

pulmonumque expansione & confidentia ac aëris reciprocatione conjuncta perficitur.

XII. Vitalitatem quoque manifestat pulsus, qui nihil aliud est, quam sanguinis è cordis auriculis in ventriculos, è ventriculis in arterias alternans protruso, facta à corde inalternante auricularum & ventriculorum systole, mediantibus fibris muscularibus se se coarctantibus.

XIII. Vita optima est, quæ in sanitate peragitur, prava quæ in morbis *Galen. in comm. l. 6. epid.* Hinc sanitas summum Dei bonum est, quam Antiqui tanquam Deam coluerunt, quin per ejus nomen jurabant. Quia hæc à Medico produciuntur, hinc *YTIEA* Æsculapii filia censebatur.

XIV. Non vita hæc dicenda est quæ corpore & spiritu continetur, sed illa duntaxat quæ viget memoria seculorum omnium, quam posteritas alit, quam ipsa æternitas semper intuetur. *Cicero.*

XV. Germanorum candor, aut Æthiopum nigrities effectus quidem sunt secundum naturam, non tamen sanitas, quia non obtinent rationem causæ opus aliquod producentis. *Varandæus, Pathol. c. 3.*

XVI. Integritas actionum & sanitas sunt synonyma. Utraque enim vel actum indicat vel potentiam absque ullo impedimento.

XVII. Hanc constituunt primario Temperamentum laudabile; Organica structura decens; demum Unitas seu continuïtas partium.

XVIII. Concretis quosdam ossibus ac sine medullis vivere accipimus: signum eorum esse, nec sitim sentire, nec sudorem emitte. *Plinius lib. 7. c. 18.* Rari illi sunt admodum & *Cornei* dicuntur. *Id. c. 19.*

XVIII. Vita in corde tanquam in penû condita est in universas corporis partes beneficium distribuent: hoc igitur primum vivit & ultimum moritur.

XX. Nativus calor nullo modo est ignis aut igneus, sed divinam habet naturam: ex eo patet quod ignis nihil vivens generat, sed solus calor viventium in semine propagatur. *Aristot. de gener. animal. l. 2. c. 3.*

XXI. Duplex in viventibus est humidum; aqueum seu elementare unum: pingue, aëreum & radicale alterum. Non secus ac ellichnium reparatur solo instillato oleo & similibus, nullo modo liquoribus aqueis.

XXII. Nemo sine calore vivit; frigidissimæ plantæ, papaver, mandragora, &c. calorem habent præter elementarem, humido suo primigenio oleoso & pingui implantatum, per totam substantiam sparsum, sine quo non viverent.

XXIII. Vita brevis, ars longa. *Hippocr. 1. aphor.* Vita brevis est cursus gloriæ sempiternus. *Cicero pro Rabir.* Ideo vitæ nostræ cursus citatissimus, & prorsus nihil aliud est, quam ad mortem iter. *Seneca de brev. vitæ.*

XXIV. Vitæ summa brevis spem nos vetat inchoare longam. *Horatius.*
Tempora labuntur tacitisque senescimus annis,

Et fugiunt freno non remorante dies. *Ovidius.*

XXV. Vita hominum ut annorum numeris non subsistit, sic etiam non sustentatur. Vanus itaque & superstitiosus, imò ridiculus Climactericorum metus, quos novies septem monadibus, seu annis *LXIII.* comprehendunt, qui talibus nugis delectantur.

XXVI. Vita hominis, quod septem dierum sit, ex hoc manifestum redditur, quod si quis per VII. dies nihil edat aut bibat, in ipsis moritur: sunt au-

autem qui ipsos transiunt, attamen moriuntur. *Hippocr. de Carn.*

XXVII. Vita comparetur arbori, quæ primo vere folia induit, pulchra est & viret; mox ventus & ictus folia pauca decutit: tum æstus aut siccitas, denique hyems omnibus spoliatur & nudatur. *Lipsius.*

XXVIII. Vita artis medicæ beneficio aliquantulum prorogari, longiorque reddi potest, efficiendo ne putredo in corpore oriatur, & ne siccitas citò marcorem & mortem inducat. *Avicen. fen. 1. c. 1.*

XXVIII. Vitam salubrem omnis expertem noxæ traducere eos qui sunt humidiores, sive secundum cerebrum tantum, sive corpus univèrsum, non contingit. Ex eo constat, quod sicciores sunt, salubriores degere. *Galenus in l. 6. aphor. comm. 2.*

XXX. Longiorem vitam efficiunt, proba temperies, firma corporis compago, cæli clementia, soli & regionis bonitas, cauta victus ratio, prudensque rerum utilium usus. Ex iis tamen non tantum reparatur quantum effluit, hinc mori necesse est.

XXXI. Vitæ optimum genus delige, id enim jucundum efficit consuetudo. *Galenus.* Labor, cibus, potus, somnus, venus, omnia mediocria. *Hippocrates, lib. 6. epid. aphor. 5.* Victus ratio pendet à ciborum potuumque delectu substantia, quantitate, qualitate, ordine, tempore, ac consuetudine.

XXXII. Minuunt vitam intempestivi labores, vigiliæ, curæ, animi perturbationes, metus, dolor, tristitia, effrenes sensuum cupiditatumque motus, præsertim rei veneræ vitam rapiunt. Concubitus frequens corpus exsolvit. *Celsus l. 1. c. 1. Quia inquit Aristoteles, l. 1. probl. 6. & 22. ei succedit dissolutio & languor.*

XXXIII. Homo & Elephas diutissime vivunt. *Aristot. de longit. vitæ.* Falsa planè quæ de Phœnicis longævitate circumferuntur, quin & Phœnicem aut vivere aut vixisse falsissimum ducimus.

XXXIV. Cæteris animantibus determinatum est concumbendi & pariendi tempus, homo solus animantium nullo non tempore in libidinem fertur, toto anno gignitur. Hinc præmatura mors. *Plin. l. 7. c. 5.*

XXXV. Senium ætas ultima vitæ morbus est. *Seneca.* Ob siccitatis excessum & humidi excrementitii copiam: Etiam propter irreparabilem, annorum decursu, caloris fugam. Maxime propter perennem triplicis substantiæ jacturam.

::: Festinat enim decurrere velox

Flosculus angustæ, miseræque brevissima vitæ

Portio, dum bibimus, dum ferta, unguenta, puellas

Poscimus, obrepit non intellecta senectus. *Juvenalis.*

XXXVI. Senium sanitas seu vita commoda maxime prorogatur balneo, humectante cibo, quiete & somno. *Galen. l. 5. de san. tuenda.* Mulso intus, oleo foris, animi, corporisque vigorem, ultra centesimum annum custodisse Pollionem Augusti hospitem asserit *Plinius, l. 22. c. 24.* Utinam id omnibus naturis conveniret.

XXXVII. Via eligenda est planissima, vita verò jucundissima. *Socrates.* Læti dicamus,

Vixi, & quem dederat cursum fortuna peregi:

Craſſinum si adjecerit, læti recipiamus. *Seneca.* Vitam erroneam qui degunt,

A 2

4

gunt, his pericula & ægritudines magis accidere quàm his, qui ordinatæ vitæ rationem habent. *Hippocr. in orat. Thess.*

XXXVIII. Natura nihil hominibus brevitate vitæ præstitit melius. Hebescent sensus & membra torpent, præmoritur visus, auditus, incessus, dentes etiam ac ciborum instrumenta, & tamen vitæ hoc tempus annumeratur. *Plin. l. 7. c. 50.*

XXXIX. Quidquid avium volitat, quidquid piscium natat, quidquid ferarum discurrit, nostris sepelitur ventribus. Quare nunc, cur subito moriamur, patet: mortibus vivimus. *Seneca, controuv. l. 20.*

XL. Pro miraculo, & id solitarium reperitur exemplum, Xenophilum muscum, centum & quinque annis vixisse sine ullo corporis incommodo. *Plinius, l. 7. c. 50.*

XLI. In Taprobana Insula & Arabia felice, ob regionis temperiem, perpetuamque cæli clementiam, longævus esse homines compertum est ad CXXV. annos. Ita in monte Atho μακροβίος esse testantur veteres. Caterum ceteris hominibus infeliciores.

XLII. In Tmoli montis cacumine, quod vocant Tempsin, CL. annis vivere, post Mutium autor est *Plinius, hist. nat. l. 7. c. 48.*

XLIII. Vitam breviorē efficiunt maximè perpetuus humidus primigenii fluos, quo veluti pabulo vita fulcitur. Nativus enim calor ætatis decursu humidum illud assiduo depascitur, ut accensus lychnus oleum absumit. Hinc absumpto pabulo vita finit.

XLIV. Mors est extinctio nativi caloris, ex *Galeno, l. 2. de temper.* Omnimoda naturæ prostratio, *l. 3. de cris.* Frigiditas & siccitas, ex *Alberto Magno, de juven. & sen.* Animi & corporis copulæ dissolutio: sive corporei sensus abolitio. *Cicero.* Ita quod mortale est & caducum perit, quod divinum æternumque est, superest.

XLV. Ita differt à morte vita, ut lux à tenebris, à visione cæcitas, à motu quies. *Aristoteles.* Ideoque mors vitæ privatio dici poterit. Et relictio corporis, & depositio sarcinæ gravis. *August. sup. Joan.*

XLVI. Mortuum non dicitur de animali, nisi cum caruerit communicatione, quam habet cum plantis. *Averrh. lib. 2. de anima.* Hæc habebatur optima Ethnicorum Philosophia, donec omnimodè à Christo S. N. aliud docente perfecta fuerit.

XLVII. Multi existere qui non nasci optimum censerent, aut quàm ocysimè aboleri. *Plin. l. 7. in proæm.* Quia non nasci & mori rem similem putabat Euripides. Τὸ μὴ γένεσθαι τῷ θανάτῳ ἴσον λέγω.

XLVIII. Mortis meditatio est Philosophia: scilicet victoria mentis super affectus bestiales. *Plato.*

XLIX. Mortis causæ fatales duæ sunt: morborum proventus, & infirmitatis accessio. *Hippocrates.*

L. Morborum verò proventus maximè ab immoderato rerum non naturalium usu oritur. Qui sanguinem & spiritus depravant, corpus alterant & infinitos morbos pariunt.

LI. Mors duplex est: Violenta, cujus principium est ab extra: & naturalis, cujus principium est ab intra.

LII. Mortem à Diis immortalibus non esse supplicii causa constitutam, sed aut necessitatem naturæ aut laborum aut miseriarum finem esse censuit
Ci-

Cicero. Itaque sapientes eam nunquam inviti, fortes etiam sapè libenter appetiverunt.

LIII. Mors naturæ finis est, non pœna. *Cicero pro Quint.* Mortem tamen esse pœnam peccati docet SS. Christiana religio. *Ex Paulo ad Rom.*

LIV. Mors & corruptio sunt fines metaphoricè, non autem absolute: quia etsi sint ultimum, non tamen eorum causa fit aliquid. *D. Thomas 5. metaph. l. 18.*

LV. Mors non est ultimum ut finis perficiens sed ut destruens omnem vitæ operationem. *Albertus Mag. Eth. l. 1.* Unde apud Themistium in *l. 1. Physic.* Mors quidem ultimum non finis tamen, quia non est id quod præstantius est.

LVI. Mors maximè omnium rerum est horribilis, cum terminus sit & nihil homini mortuo sive bonum sive malum accadat. *Aristot. l. 3. Eth. c. 6.*

LVII. Ubique suavius est vivere quàm mori prudentibus. Quin malè vivere præstat quàm bene mori: *Καλῶς ζῆν κρείττον ἢ καλῶς θανείν.* Nihil enim est pretiosius animâ. *Euripides.*

LVIII. O Mors tu sola malis incurabilibus mederis; nullus enim dolor sequitur mortuos. Hinc Mors omnium mortalium portus est.

LIX. Duæ sunt mortis doctrinæ: altera, tempus antequam nati sumus; altera, somnus.

LX. Speusippum cruribus resolutum Diogenes hortabatur ut seipsum vitâ privaret; Cui ille, Non cruribus dixit, vivimus sed mente. Alteri cuidam dicenti, molesta res est vivere, respondit idem Diogenes, Non, sed malè vivere.

LXI. Julius Cæsar & Philippus Alexandri Magni pater, pridè quàm trucidarentur, in sermone orto, quisnam esset vitæ finis commodissimus, Repentinum inopinatumque censuerunt & prætulerunt. Quid ita? optima mors, sine metu mortis mori. *Seneca.*

LXII. Ita vivere ut non sit vivendum, miserrimum est; mori autem nemo Sapiens miserum duxit, ne beato quidem. *Cicero, l. de Sen.* Sapientissimus quisque æquissimo animo moritur, stultus iniquissimo. *Idem ad Att.*

LXIII. Mors honesta sapè vitam turpem exornat: Vita turpis ne morti quidem honestæ locum relinquit. *Cicero in Verrem.* Turpis mors fortè viro nequit accidere, neque immatura Consulari, nec misera sapienti. *Id. de leg.*

LXIV. Fato vivimus, languescimus, convalescimus, morimur. Medicina quid præstas? nisi ut juxta te nemo desperet. *Quintil. in declam.* Quia verò semel nati sumus, bis nasci non licet; sed necessarium est ætatem finire. *Epicurus.*

LXV. Mors juvenum difficilis est supra modum, eo quòd instrumentum animæ & adhuc in medio complexionantium existens, fortissimum habet sensum & difficilis separationis ab anima. *Albert. Mag. l. 5. Physic.*

LXVI. Mori in senectute est sine dolore: nulla enim violenta passio adest sed insensibilis animæ solutio fit. *Aristot. de juvent. & sen.* Pro animæ vitam intelligendam censemus.

LXVII. Quis est tam stultus quamvis sit adolescens, cui sit exploratum se usque ad vesperam esse victurum? *Cicero.* Juvenes itaque mori possunt, senes diu vivere non possunt. *Seneca.*

LXVIII. Mors propter incertos casus quotidie imminet, at propter vitæ bre-

6

brevitatem nunquam longè potest abesse, *Cicero, de fin.* Tamen nemo est tam senex, qui se annum non putet posse vivere. *Id. de senect.*

LXVIII. Quid in rebus humanis certius est morte, quid incertius hora mortis invenitur? Senibus mors est in januis, juvenibus verò in insidiis. *D. Bernardus.*

LXX. Mortis diem omnes affuturum sciunt: cum tamen omnes differre conantur: Tantam habet vim carnis & animæ dulce consortium. *Augustinus de grat. novi testam.*

LXXI. Adolescentes mori sic mihi videntur, ut cum aquæ multitudine vis flammæ opprimitur: senes autem sic, ut sua sponte, nulla adhibita vi, consumptus ignis exstinguitur. *Cicero.*

LXXII. Innumerabilia sunt mortis signa, salutis securitatisque nulla sunt. *Plin. l. 7. c. 15.* Sic morbis innumeris una obijciatur sanitas.

LXXIII. Mortis signa sunt delirare, convulsione premi. *Hippocr. l. 4. de morb. popul.* si præter corporis artuumque gravitatem ungues livent ac digiti, mors in propinquo est. *Idem, l. 3. Coac.* si æger in veste aut stragulis floccos legit, fimbriaque deducit; vel in adjuncto pariete, si qua minuta cminent, carpit &c. mortem præ foribus esse nunciant.

LXXIV. Propinqua mors ob carnes nigras interdum arcetur, non verò ob carnes lividas: livefcunt enim ab extincto calore vivifico, *διὰ τὴν νέκρωσιν*, qui irreparabilis est. Nigrescunt aliquando *διὰ τὴν ἐν γύμνασιν*, quam sanat amputatio. *Hippocr. lib. 2. progn.*

LXXV. Nil melius æterna lex fecit, quam quòd unum introitum nobis ad vitam dedit, multos exitus. *Seneca.*

LXXVI. Nudus dum nascitur homo hanc orbis provinciam ingrediens, nil aliud secum fert quàm moriendi necessitatem. Hinc Pyrrhon aiebat nihil interesse inter vitam & mortem, quare dicenti; Cur itaque non moreris, respondit; Quia nil interest.

LXXVII. Mors neque circa vivos neque circa defunctos est. Quomodo dicis ò Socrates? Quoniam circa vivos quidem non est: defuncti verò non existunt. *Plato.*

LXXVIII. Natura nihil hominibus brevitate vitæ elargita est melius. Tot periculorum genera, tot morbi, tot metus, tot curæ, toties invocata morte, ut nullum frequentius sit votum. *Seneca.*

LXXVIII. Mors non tam cito à vulnerato corde aut abscisso, quàm à contuso cerebro aut capite obruncato. Hic enim continuò cessat animalitas, per absolutam privationem sensus & motus; quæ avulso corde aliquantisper manet. *Duretus, in comm. Hippocr. coac. 8.*

LXXX. Miseret & pudet æstivantem, quàm sit frivola animantium superbissimi origo. Cum plerumque abortus causa fiat à lucernarum extincti. *Plin. l. 7. c. 7.*

LXXXI. Quantulo serpentis ictus dente perit homo. Anacreon Poëta, acino uvæ passæ. Fabius Senator Prætor in lactis haustu uno pilo strangulatus. *Id. ibid.*

LXXXII. Gaudio obiere præter Chilonem, Sophocles & Dionysius Sicilia tyrannus. Mater, pugna illa cannensi, filio incolumi viso, contra factum nuncium. Pudore Diodorus sapientiæ dialecticæ professor, iustitia quæstione non protinus ad interrogationes Stilponis dissoluta. *Cornelius Gal-*

Gal-

7

Gallus Prætorius & T. Ætherius Eques Romanus in venere obierunt. *Plinius, l. 7. c. 53.*

LXXXIII. Mori ex nimio gaudio contingit, cum effusa derepentè flamma undique vitali spiritus & sanguis cor deserunt, impetuque concitato exteriora perunt. Hinc calor vitalis discutitur, spiritus dissipantur, & mors subsequitur.

LXXXIV. Mortuos esse multos ob metum & timorem testantur Plinius, Valerius Maximus & alii. Quod contingit cum calor vitalis suffocatur, impetu enim sanguis & spiritus exteriora deserunt & ad cor ruunt. Hinc timore perciti, extimis partibus illico refrigerantur, corpore toto tremunt, secundum ora palleſcunt, voce interrumpuntur, viribusque concidunt.

LXXXV. Qui mortem non timet, magnum is sibi præsidium ac beatam vitam comparavit. *Cicero, 2. Tuscul.*

LXXXVI. Mors omnibus communis est, nec ullis viribus arceri potest fati necessitas: Ipse Patroclus obiit. *Homerus. Βροτῶν ἀπὸ τοῦ κατὰ φύσιν ἐπι- ληται. Euripides.* Et illud ferre, boni viri est. *Socrates.*

LXXXVII. Ritu naturæ capite hominem gigni mos est, pedibus effecti. *Plin. lib. 7. cap. 8.* In pedes procedere nascentem contra naturam est, quo argumento eos appellavere Agrippas, ut agere partos. *Id. ibid.*

LXXXVIII. Nudi omnes nascimur, nudi morimur: Nulla distinctio inter cadavera mortuorum, nisi fortè quia gravius fœtent divitum corpora, distantia luxuriâ. *Ambrosius in Examer.*

LXXXVIII. Mors bona est laboris corona, felicitatis porta, vitæ janua. *Bernardus.* Fortium virorum otium, improborum verò & ignavorum laborem esse dixit Epaminondas. Hinc quæſitus olim Gorgias Leontinus Orator jam senex, an mortem æquo animo ferret, si è vita vocaretur, respondit: Ex putri & defluente domuncula non invitus discedo.

X C. Mors irruit cum quis minus eam expectat & in qua hora non putamus; nulli ignoscens:

::: Mors æquo pulsât pede

Pauperum tabernas Regumque tures. Horatius.

XCI. Mors nihil ad nos: nam quod dissolutum est sensu privatur: Quod autem sensus expers est, id nihil ad nos. *Epicurus.*

XCII. Homini fortunato brevis est vita, infortunato longa. Mors ultima linea rerum.

XCIII. Omni ætati mors communis est. *Cicero in Tuscul.* Hinc omnes morimur, & quasi aquæ delabimur in terram, quæ non revertuntur. *SS. Script. l. 2. Reg. 14.*

COROLLARIA.

Vita fatale debitum est à Majoribus acceptum , à
Nobis persolvendum.

Cur homo à suppliciis vitam auspicatur ?

Cur nascentes lacrymantur , morientes tremunt ?

Statura magna aut parva nec felicitatem nec longævi-
tatem facit .

An mares longæviores sint fœminis ?

Cur Augustus & Livia inter se steriles fuerint , qui
aliis juncti generaverant ?

Cur morietur homo cui Salvia crescit in horto ?
Contra vim mortis non est medicamen in hortis .

Longiùs aut propiùs Mors sua quemque manet .

Mors omnia solvit .

FINIS.

005664152